

Ք Ա Ղ Վ Ա Ծ Ք

Արմավիրի մարզի Գրիբոյեդով համայնքի ղեկավարի 2014 թվականի հուլիսի 15-ի ընդհանուր ժողովի արձանագրությունից

Օրակարգ. Համայնքի ղեկավարի կիսամյակային հաշվետվություն

Ժողովին մասնակցում էին Արմավիրի մարզպետարանի Մշակույթի և Սպորտի բաժնի պետ՝ Արմեն Թովմասյանը, գյուղապետարանի աշխատակիցները, ավագանու անդամները և համայնքի թվով 34 բնակիչներ:

Համայնքի ղեկավարը ներկայացրեց 2014 թ-ի առաջին կիսամյակում կատարված աշխատանքները և համայնքի բնակիչների ուշադրությունը հրավիրեց հատկապես սեփական եկամուտների գանձման վրա: Նշվեց, որ համայնքը սեփական եկամուտների մասով կիսամյակային պլանը կատարել է 38.68 %-ով, հողի հարկի մասով՝ 7.45%: Գույքահարկի մասով՝ 35.86%: Համայնքի ղեկավարը ներկայացրեց, որ այս ընթացքում գյուղապետարանի ֆինանսական հնարավորությունների սահմաններում փորձել է գյուղում առկա խնդիրներին լուծում տալ: Նույն կերպ շարունակվելու է այսուհետ: Սակայն մեր ծրագրերը իրականացնելու համար պետք է սեփական եկամուտներ ունենալ: Համայնքի ղեկավարը նշեց, որ այս կիսամյակում համայնքի բնակիչների կողմից հարկային պարտավորությունների կատարումը ցածր է եղել և չնայած, հասկանալով ու ըմբռնելով բնակչության սոցիալական վիճակի ծանրացմանը հորդորեց բնակիչներին, որ պատշաճ կատարեն իրենց հարկային պարտավորությունները: Համայնքում դեռևս շատ կան խնդիրներ, որոնց լուծման համար անհրաժեշտ է լինել միախմբված և պարտաճանաչ հարկատու: Համայնքի ղեկավարը հույս հայտնեց, որ բնակիչները այս ընթացքում ականատես լինելով բոլոր կատարված աշխատանքներին, իրենց հարկային պարտավորությունները կկատարեն և քայլ առ քայլ միասին կշարժվենք առաջ: Համայնքում դեռևս շատ չլուծված խնդիրներ կան, որոնցից ավելի ակնառու է կենտրոնական ճանապարհի քարուքանդ վիճակը: Իսկ համայնքի հիմնախնդիրների մասին համայնքի ղեկավարը տեղեկացնում է մարզպետարան:

Համայնքի հիմնախնդիրները

1. Գյուղի կենտրոնական ասֆալտապատ ճանապարհի քարուքանդ վիճակը:
2. Ոռոգման ջրի ցանցի կառուցումը:
3. Մշակույթի տան շենքի վերանորոգումը:



Արմավիրի մարզի Գրիբոյեդովի
գյուղական համայնքի ղեկավարի
կիսամյակային գործունեության հաշվետվություն
(2014թ-ի հունվար-հուլիս ամիսների)

1. Քաղաքացիների իրավունքների պաշտպանության բնագավառում

2014թ. հունվար-հուլիս ամիսների ընթացքում գյուղապետարան է դիմել համայնքի թվով 44 բնակիչ, որից 31-ը գրավոր, դիմումատուների հարցերին տրվել է լիարժեք պատասխան: Ստացվել է 111 գրություն և առաքվել է թվով 66 գրություն: Գյուղապետարանը նոտարական գրասենյակում, Ք.Կ.Ա.Գ.-ի բաժնում, անձնագրային բաժնում, կադաստրի տարածքային ստորաբաժնում միջնորդությամբ հանդես է եկել համայնքի բնակիչների օրինական շահերը պաշտպանելու նպատակով:

Կատարվել է համայնքապատկան հիմնարկներում ամենամյա գույքագրման աշխատանքներ:

Կայացել է համայնքի ավագանու 3 հերթական և 2 արտահերթ նիստ, որոնք ներկայացվել են մարզպետարան: Գյուղապետի կողմից կայացվել է տարբեր բնույթի 26 որոշումներ, որոնք նույնպես ներկայացվել են մարզպետարան:

Համայնքում կազմակերպվել է միջոցառումներ՝ Մարտի 8-ի, Մայիսի 9-ի, Մայիսի 28-ի, դպրոցում վերջին զանգի, երեխաների պաշտպանության օրվա կապակցությամբ:

2. Ֆինանսների բնագավառում

Կազմվել և համայնքի ավագանու հաստատմանն է ներկայացվել համայնքի տարեկան բյուջեի նախագիծը, օրենքով սահմանված կարգով ապահովել և տնօրինել է համայնքի բյուջեի մուտքերը և նպատակային օգտագործումը: Հաշվետու ժամանակահատվածում հավաքագրվել և մուտքագրվել է գույքահարկի մասով 1 611 730 դրամ, հողի հարկի մասով 541 982 դրամ և վարձակալական հողի մասով 99 150 դրամ, տեղական վճար 210 000 դրամ: Գյուղապետարանը աշխատակազմի աշխատակիցների աշխատավարձերի, սոց վճարների և եկամտահարկերի գծով հաշվետու ժամանակաշրջանում ոչ մի պարտք չունի:

3. Պաշտպանության բնագավառում

Գյուղապետարանը տարածքային զինկոմիսարիատից ստացած ծանուցագրերը ժամանակին հասցնում է հասցեատիրոջը և հետևում է, որ ժամանակին ներկայանան զինկոմիսարիատ: Ջին ծառայությունից խուսափողների թիվը հասցվել է նվազագույնի, ինչպես նաև աշխատանքներ է տարվում նախկինում զինծառայությունից խուսափողների հայտնաբերման և զինկոմիսարիատ ներկայացնելու գործում:

Աջակցվում և ուշադրության կենտրոնում են պահվում պատերազմի վետերանների սոցիալական խնդիրների լուծումը: Աշխատանքներ են տարվում երիտասարդության շրջանում ռազմահայրենասիրական դաստիարակության գործում:

4.Քաղաքաշինության և հողօգտագործման բնագավառում

Անմիջական վերահսկողություն է սահմանվում համայնքի հողօգտագործողների նկատմամբ տարածքները նպատակային օգտագործման ուղղությամբ: Մասնագետների մասնակցությամբ տրվել է անվճար խորհրդատվություն բույսերի պաշտպանության հարցում:

5. Կոմունալ տնտեսության և բարեկարգման բնագավառում

Համայնքում կատարվում է ամենշաբաթյա ադրահեռացում, որի համար կնքվել է ծառայությունների ձեռք բերման պայմանագիր /տարվա կտրվածքով/ 1 800 000 ՀՀ դրամ արժողությամբ:

Գյուղի կենտրոնական այգու լուսավորության վերանորոգման աշխատանքների իրականացման համար ծախսվել է 84 000 ՀՀ դրամ:

6. Տրանսպորտի բնագավառում

Գյուղապետարանի կողմից կատարվել է մասնակի ավագապատման և գյուղամիջյան ճանապարհների հարթեցման աշխատանքներ:

7. Առևտրի և սպասարկման բնագավառում

Հսկողություն է սահմանվել արագ փչացող սննդի և առևտրային կանոնների խախտման նկատմամբ, ինչի մասին պարբերաբար տեղեկատվություն է ներկայացվում մարզպետարան:

Բացառվել է փողոցային վառելանյութի վաճառքը:

8. Կրթության, մշակույթի և երիտասարդության հետ տարվող աշխատանքների բնագավառում

Գյուղապետարանը համայնքի ավագանու որոշմամբ համայնքի ուսանողներին որպես ուսման վարձի աջակցություն և ճանապարհածախս տրամադրել է 130 000 ՀՀ դրամ:

Մարտի 8-ի՝ կանանց տոնի կապակցությամբ գյուղապետարանի աշխատակազմի աշխատող կանանց նվերներ գնելու համար հատկացվել է 68 000 ՀՀ դրամ:

Կանանց տոնի կապակցությամբ Գրիքոյնդով համայնքի պարտադիր զինվորական ծառայության մեջ գտնվող զինակոչիկների մայրերին շնորհավորելու և նվերներ գնելու համար հատկացվել է 40 000 ՀՀ դրամ:

Համայնքի մանկապարտեզի ֆինանսավորման համար հատկացվել է 3 239 300 ՀՀ դրամ:

Հաղթանակի տոնի կապակցությամբ կազմակերպվել է հիշատակի տոն, որի համար հատկացվել է 159 500 դրամ:

Դպրոցն ավարտելու կապակցությամբ գյուղապետարանի կողմից շրջանավարտներին նվերներ գնելու համար հատկացվել է 138 900 դրամ:

9. Առողջապահության, ֆիզիկական կուլտուրայի, սպորտի և սոցիալական ծառայության բնագավառում

Բուժ. անձնակազմի և գյուղապետարանի մասնակցությամբ հսկողություն է սահմանվել խմելաջրի վթարների, խորքային հորերի քլորացման և կենցաղային աղբի հեռացման հարցում: Համաճարակների կանխարգելման նպատակով կատարվում է ամենօրյա բակայցեր և տարվում է բացատրական աշխատանքներ: Համայնքում հրավիրվում են բժիշկ -

մասնագետներ ազգաբնակչությանը ստուգելու, համապատասխան անվճար բուժումներ և խորհուրդներ տալու նպատակով:

Սոցիալապես 17 անապահով ընտանիքներին տրվել է 535 000 ՀՀ դրամ որպես օգնություն:

10. Գյուղատնտեսության բնագավառում

Տարածքային վիճակագրական վարչություն է ներկայացվել հունիսյան ցանքաշրջանառության, ամսական հաշվետվություն ցանքաշրջանառության, ինչպես նաև պտղատու և խաղողի այգիների ստացված բերքի, առկա գյուղտնտեսական վերաբերյալ հաշվետվություններ:

Համայնքում համաձայն գրաֆիկի կազմակերպվում է անասունների և թռչունների հակահամաճարակային պատվաստումներ:

Հիմնախնդիրներ

1. Գյուղի կենտրոնական ասֆալտապատ ճանապարհի քարուքանդ վիճակը:
2. Ոռոգման ցանցի կառուցում:
3. Մշակույթի տան շենքի վերանորոգումը:

ԳՐԻԲՈՅԵԳՈՎ
ՀԱՄԱՅՆՔԻ ԳԵԿԱՎԱՐ

« 15 » հուլիս 2014թ.



Վ. ԳՐԻԳՈՐՅԱՆ